



**REPUBLIKA E SHQIPËRISË**  
**AGJENCIA E SIGURIMIT TË CILËSISË NË ARSIMIN E LARTË**  
**BORDI I AKREDITIMIT**

**VENDIM**

**Nr. 126, datë 20.10.2023**

**PËR**

**AKREDITIMIN E PARË TË PROGRAMIT TË STUDIMIT TË CIKLIT TË PARË  
BACHELOR NË “BANKING DHE FINANCË TË APLIKUAR”, TË UNIVERSITETIT TË  
NEW YORK-UT NË TIRANË**

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 824, datë 24.12.2021, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 20.10.2023, në kuadër të vendimmarrjes për akreditimin e parë të programit të studimit të ciklit të parë, Bachelor në “**Banking dhe Financë të Aplikuar**”, me të dhënat si më poshtë:

- a) Emërtimi i programit: Bachelor në “**Banking dhe Financë të Aplikuar**”
- b) Cikli i studimit: Cikli i parë
- c) Akti zyrtar i hapjes/licensimit: Urdhër i Ministrit të Arsimit Sportit dhe Rinisë nr. 238, datë 15.07.2020
- d) Institucioni që e ofron: Universiteti i New York-ut në Tiranë
- e) Njësia bazë përgjegjëse: Departamenti i Ekonomiksit dhe Financës
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Gjuha e mësimdhënies: Anglisht
- j) Statusi i diplomës: ofrohet vetëm nga Universiteti i New York-ut në Tiranë
- k) Niveli i diplomës në kuadrin e Kornizës Shqiptare të Kualifikimeve: Niveli 6

**pasi mori në shqyrtim:**

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

**konstaton se:**

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimeve të ciklit të parë “Bachelor”* dhe cilësinë e ofertës akademike të programit të studimit, është **“i përmbush pjesërisht standardet”**, me mangësitë si më poshtë:
  1. Numri i personelit akademik që i përket kategorisë “Profesor” i angazhuar në këtë program studimi, është i ulët.
  2. Disa nga titullarët e lëndëve të angazhuar në këtë program studimi, nuk janë në përputhje me përcaktimet ligjore e nën ligjore në fuqi.
  3. Disa prej akteve rregullatore, si procedura e mbrojtjes së diplomës apo marrëveshja me Bankën Kombëtare Tregtare, e cila shërben si bazë e zhvillimit të disa lëndëve të këtij programi, kanë mospërputhje në brendësi të tyre.
  4. Mungesa në planin mësimor të këtij programi studimi e praktikës profesionale, si lëndë më vete me kreditet përkatëse.

*Mbështetur mbi rezultatet dhe arsyetimin e mësipërm, Bordi i Akreditimit,*

**VENDOSI:**

1. Vlerësimin përfundimtar **POZITIV** për programin e studimit Bachelor në **“Banking dhe Financë të Aplikuar”**, të Universitetit të New York-ut në Tiranë.
2. **Akreditimin** e programit të studimit me kohëzgjatjen prej **3 (tre)** vite.
3. Afati përfundimtar i vlefshmërisë së akreditimit të studimit është **19.10.2026**.

4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

#### BORDI I AKREDITIMIT


SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar
DARINKA PIQANI		Anëtar

DRITAN NAÇE



Anëtar

INDRIT HOXHA



Anëtar

**Shënim:** Z. Maurice Oudejans dhe Znj. Lea Ypi, nuk morën pjesë në këtë mbledhje.

## Shtojca

Rekomandimet në zbatim të vendimit të Bordit të Akreditimit Nr. 126, datë 20.10.2023, "Për akreditimin e parë të programit të studimit Bachelor në "Banking dhe Financë të Aplikuar", të Universitetit të New York-ut në Tiranë, janë si vijon:

1. Institucioni, të rrisë numrin e personelit akademik efektiv dhe me kontratë, që i përket kategorisë "Profesor" dhe të ulë ngarkesën mësimore të personelit për sa i përket numri të lëndëve në të cilat ata angazhohen.
2. Institucioni, të marrë masa që titullarët e lëndëve të angazhuar në këtë program studimi, të jenë në përputhje me përcaktimet ligjore e nën ligjore në fuqi.
3. Institucioni, të rishikojë disa prej akteve rregullatore, si procedura e mbrojtjes së diplomës apo marrëveshja me Bankën Kombëtare Tregtare, e cila shërben si bazë e zhvillimit të disa lëndëve të këtij programi, me qëllim shmangien e mospërputhjeve në brendësi të tyre.
4. Institucioni, të rishikojë planin mësimor të këtij programi studimi, duke rritur numrin e orëve në auditor dhe duke e përcaktuar praktikën si lëndë më vete, me kreditet përkatëse sikurse parashikohet në aktet nënligjore në fuqi.
5. Institucioni, të rrisë përpjekjet nëpërmjet politikave të marketingut për të afruar më shumë studentë në këtë program studimi.

Në përmbushje të rekomandimeve të mësipërme, **Universiteti i New York-ut në Tiranë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

